



Inatsisartuni ilaasortaq
Erik Jensen
Siumut

16-06-2021
Sags nr. 2021 - 11476
Akt. id. 17058358

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: isn@nanoq.gl
www.naalakkersuisut.gl

Soraarnerussutisianut tunngatillugu § 37-mi apeqqufit nr. 077-2021-miittunut akissutit

Asasara Erik Jensen

Qujanaq apeqqufitinut. Apeqqufit ataani ataasiakkaarlugit uteqqinneqarput, kingornanniillutik akissutitaat.

1. Siusinaartumik sulisinnaajunnaarnersiutisiat aapparsisap isertitai tunngavigalugit ilanngarneqartarnerat atorunnaarsissagaanni qanoq naleqassava?

Aapparsisap isertitaanut killissarisamik iluarsaaneq atorunnaarpat soraarnerussutisarnermi inatsisaasuni illugiilluni pilersuinissamut pisussaaffigisap atorunnaarsinneranik nassataqassaaq. Tamanna isumaginninnermi ikiorsiissutinik arlalinnik sunniissaaq.

Utoqqalinersiutinut illugiilluni pilersuinissamut pisussaaffik peerneqassappat ilassutitut aningaasartuutit tassaassapput 6 mio. kr.

Siusinaartumik pensionisialinnut illugiilluni pilersuinissamut pisussaaffik peerneqassappat ilassutitut aningaasartuutit tassaassapput 9 mio. kr.

Taamatuttaaq illugiilluni pilersuinissamut pisussaaffik peerneqassappat pisortat ikiorsiissutaannut aningaasartuutit sunnerneqassapput. Aningaasartuutit taakku naatsorsorneri ilungersunartuupput, taamaattumillu piffissami matumani naatsorsuutinik naammassinnittoqarsimangikkallarpoq.

Aamma ineqarnermut tapiissuteqartarnerit sunnerneqassapput. Piffissami matumani aningaasaqarnikkut kingunerisinnaasanik naatsorsuisoqanngilaq.

2. Aapparsisap isertitai apeqqutaatinnagit siusinaartumik utoqqalinersiat tunniunneqartalissappata suut inatsisit allanngorteqqarneqartariaqarpat?

a. Paragraffit suut pineqarpat?



Illugiilluni pilersuinissamat pisussaaffik peerneqassappat utoqqalinersiutinut, siusinaartumik pensionisiaqarnermut, aammalu pisortat ikiorsiissutaannut inatsisinik atuuttunik allannguuteqarnerik nassataqartitsissaaq. Inatsisaasuni allannguutit annertussusissaat piffissami matumani ilisimaneqanngillat, soorlulusooq inatsiliornermut, ilanngullugit tusarniaanerit nalaannut inatsilioriaatsinilu ingerlattakkanut atasunik najoqqutassaqaarluni.

Ad a. Qulaajaaneq tamanna piffissami matumani amigaataavoq.

3. Siusinaartumik soraarnerusutisiaqartut kommunikkaartumik amerlassusaat qassiuppat?

a. Qanoq aningaasannorlugit ukiumut naleqarpat?

Naatsorsueqqissaarinerit 2019-imeersuupput, decembarimi siusinaartumik pensionisiaqartutut innuttaasut 2.391-iullutik. Kalaallit Nunaanni Naatsorsueqqissaartarfiup siusinaartumik pensionisiallit amerlassusaat decembarimi nalunaarsortarpai, siusinaartumik pensionisiallit agguataarneri tassaallutik Kommuneqarfik Sermersuumi 896-it, Avannaata Kommuniani 493-it, aamma Qeqqata Kommuniani 350-it. Qeqqata Kommuniani siusinaartumik pensionisiallit 329-upput, Kommune Kujallermi 323-ullutik.

Ad a. Ikaarsaariarfiup nalaani ukiut tallimaasuni, 1. juli 2016-imit 30. juni 2021-mut atuuttumi, siusinaartumik pensionisialinnut aningaasartuutit Nunatta Karsianit 50 %-inik aamma kommuninit 50 %-inik aningaasaliiffigisaapput. Ilanngullugu kommunit konto pingaarneq 20.05.20 Kommuninut tapiissutit aqutigalugit taarsiivigineqarput.

2019-imi ilanngaateqareerluni aningaasartuutit tassaapput Nunatta Karsianut 111.651.000 kr., kommuninullu 111.651.000 kr.

1. juli 2021-mit siusinaartumik pensionisialinnut aningaasartuutit kommuninit 100 %-imik aningaasaliiffiulissaaq. Kommunit konto pingaarneq 20.05.20 Kommuninut tapiissutit aqutigalugit taarsiissutissanik pissarsisassapput.

Inussiarnersumik inuulluaqqusillunga,

Mimi Karlsen